

A. Basas legalas

1. Realisaziun dall'avertura

Igl ei caussa dalla vischnaunca da realisar l'avertura (projectaziun, construcziun, menaschi, manteniment e renovaziun). art. 60 LPTGR

2. Finanziaziun – obligaziun da pagar taxas

La vischnaunca cuviera sias expensas per averturas cun incassar taxas d'avertura. Stabiliments da traffic vegnan finanziaj entras contribuziuns. art. 62 LPTGR

Las taxas d'avertura ein da pagar dallas personas che profiteschan economicamein dils stabiliments publics, ni che nezegian ni savessen nezegiar ils stabiliments publics.

3. Finanziaziun – contribuziuns

Contribuziuns vegnan incassadas per cuvierer ils cuosts per construir, per midar e per renovar stabiliments d'avertura. art. 63 LPTGR

La suprastanza communal fixescha las parts dils cuosts che ston vegnir surpri dalla vischnaunca (part dall'interessenza publica) e dalla totalitad dallas proprietarias e dils proprietaris dils beins immobiliars (part dall'interessenza privata). En quei connex valan las suandontas valurs directivas:

avertura generala		avertura detagliada	
a) part dalla vischnaunca:	70 - 40 %	a) part dalla vischnaunca:	30 - 0 %
b) part privata:	30 - 60 %	b) part privata:	70 - 100 %

Per reparter la part privata sin pliras personas participadas survescha per regla il diever dil terren pusseivel, e quei risguardond eventuals ulteriurs avantatgs e disavantatgs.

4. Procedura da contribuziun – introducziun

La suprastanza communal communichescha l'intenziun d'introducir la procedura da contribuziun egl organ da publicaziun official dalla vischnaunca indicond (a) l'ovra ch'ei suttamessa a contribuziuns, (b) il perimeter da contribuziun sco era (c) la part dils cuosts previ che tuccan all'interessenza publica e privata. Personas pertuccadas ein d'orientar en scret avon l'exposiziun publica. art. 22 OPTGR

Enteifer 30 dis san ins far protesta tier la suprastanza communal encunter (a) l'intenziun d'introducir la procedura, (b) il perimeter da contribuziun previu sco era encunter (c) la part dall'interessenza publica e privata. art. 23 OPTGR

5. Repartiziun dils cuosts

Suenter la collaudaziun dall'ovra elavura la suprastanza communal la repartiziun dils cuosts cun (a) ina cumpilaziun dils cuosts totals, (b) ev. in plan cun las zonas da contribuziun, (c) la repartiziun dils cuosts sin las personas che ston pagar contribuziuns e (d) explicaziuns. art. 24 OPTGR

La suprastanza communal tarmetta allas personas che ston pagar contribuziuns il sboz dalla repartiziun dils cuosts. Encunter il sboz dalla repartiziun dils cuosts san las personas che ston pagar contribuziuns far protesta enteifer 30 dis tier la suprastanza communal. Suenter decida la suprastanza communal davart las protestas e la repartiziun dils cuosts e communichescha la decisiun allas personas che ston pagar contribuziuns. Il medem mument vegnan las contribuziuns messas a quen. art. 25 OPTGR

Las contribuziuns ed ils pagamenti a quen scadents ston vegnir pagai enteifer 60 dis suenter ch'il quen ei vegnius tarmess. art. 25 OPTGR

B. Ulteriuras indicaziuns

All'obligaziun da pagar contribuziuns ein suttamessas mesiras per sanar il corpus dalla via cun il fundament e la structura incl. l'allontanaziun dallas auas dalla via. Buc obligai a contribuziuns ein ils stabiliments dil provediment e dalla dismessa (aua, canalisaziun, electricitad, telecomunicaziun) che la vischnaunca finanziescha cun agid da taxas.

Il reglament da vias dalla vischnaunca ei buca relevonts per la procedura da contribuziun, perquei ch'el sedifferenziescha per regla buca dalla legislaziun cantunala.

La procedura da contribuziun succeda en dus differents pass: 1. introducziun (mira A. 4.) e 2. repartiziun dils cuosts (mira A. 5.). En mintga pass dalla procedura han las personas pertuccadas la pusseviltad da far protesta e da recuorer allas dertgiras.

Ils cuosts dall'interessenza privata vegnan reparti sin ils terrens pertuccai, risguardond il diever dil terren ed eventuals avantatgs ni disavantatgs (p.ex. avertura dubla), exclusivamein durant la procedura dalla repartiziun dils cuosts.

Ils cuosts per il manteniment current dallas vias sco p.ex. schubergiar las vias, rumir neiv, rugalar pigns donns da cuvrida, etc. porta la vischnaunca. Lavurs pli grondas sco remplazzar la cuvrida fina ni parts dil corpus dalla via valan sco renovaziun e vegnan da principi finanziaj cun la procedura da contribuziun.